



Universitätsbibliothek Paderborn

**Io. Francisci Leonis Eporediensis I. V. D. Episcopi
Thelesini Thesaurus Fori Ecclesiastici**

Leoni, Giovanni Francesco

Coloniae Agrippinae, 1682

18 Clerici publicè macellariorum, & tabernariorum officium exercentes,
qua poena puniantur.

urn:nbn:de:hbz:466:1-10316

cap. quorundam, in princip. Episcopum. 34. dist. cap. 1. & 2. de cler. venar. & ibi Abb. numer. 1. est etiam clericis in minoribus ordinibus constitutis venatio prohibita, ut ibi gloss. in dict. cap. 2. Sed, quoniam illis 16 certa pœna nulla imponitur, arbitrio Episcopi sunt puniendi, ut trad. Ioann. And. & Hostien. in dict. cap. 1. de clem. venat. inf. eoque magis clericis est prohibita venatio, quia Esau venator erat, quoniam peccator erat, & penitus non invenitur in scripturis sanctis, sanctum aliquem venatum, pescatores autem non paucos cap. Esau. 86. distinct. Et non solum est clericis venatio prohibita, sed graviter delinquunt, qui venatoribus donant, ut testatur. D. August. relatus in cap. qui venatoribus, & c. vident. homines, eadem. distinct. quoniam, qui primo diluculò non ad Ecclesiam vigilat, non Beatorum Martyrum loca sancta perquirit, sed surgens congregat servulos, disponit retia, canes producit, saltus sylvasque perlustrat servulos, inquam, secum pertrahit, fortasse magis ad ecclesiam festinantes, & voluptatibus suis peccata accumulat aliena, nesciens, reum si futurum tam de suo delicto, quam de perditione servorum, à jejunis alienus est, nec aliis piis operibus, ut Christianum decet, vacare potest, cap. an putatis, eadem distinct. 86. & de pœna venatorum, trad. Diaz. pract. crim. c. 69. alias 61. & August. in Psalm. cap. 2. relatus, in c. qui venatori- bus, 86. distinct. inquit. Qui venatoribus 19 donat, quare donent dicant mihi; quare dant venatori, hoc in illo amant, in quo nequissimus est: hoc in illo passunt: hoc in illo vestiunt, ipsam nequitiam publicant, spectaculis hominum, qui dant histrionibus; qui donat mere-

tricibus; quare donant? nunquid non & ipfa hominibus donantur? non tantum naturam ibi attendant operis Dei: sed nequitiam operis humani.

Sexto, histriones † sunt infames, l. 2. §. ait prætor ff. de his qui not. infra. cap. 2. junct. gloss. in ver. histriones, 4. quest. 1. & cap. pro dilectione, de consecr. distin. & 2. clerici vero, qui tales se faciunt, artem illam ignominiam per annum exercendo ipso jure, 17 † si autem tempore breviori, & tertio moniti non resipuerint, carent omni privilegio clericali, c. i. de vit. & honest. cler. in 6. quod procedit etiam in regulatibus, & aliis in sacris constitutis, ut ibi trad. Ioann. Andr. Dom. & Philipp. Franc. An autem propter hoc crimen, possunt clerici à judicibus secularibus puniri, scriptus Diaz. in d. pract. crim cap. 70. n. 3. alias 62. circ. med.

18 Eandemque pœnam † amissionis privilegij clericalis incurrint, macellariorum, aut tabernariorum officium exercentes, clem. i. de vit. & honest. cler. monitione tamen de desistendo præcedente, quia propter exercitium artis prohibitæ ante monitionem clericus, etiam si sit tantum in minoribus constitutus, vel conjugatus, non perdit privilegium clericale, dict. clem. i. §. quis si taliter moniti, & ibi Imol. cap. ex litteris, & ibi gloss. in ver. tertio. de vit. & honest. cleric. & Diaz. dict. pract. cap. 63. alias 72.

19 Septimò, clero † non licet advocari, vel procuratoris officium contra ecclesiam, in qua beneficiatus existit, exercere, alias, tanquam ingratus, potest ejusdem ecclesiæ beneficio spoliari, c fin. in fin. & ibi, etiam gloss. in vers. contra ecclesiam, de postul. gloss. final. in cap. nulli; qu. 1. & Graff. decis.